

Մի երեկոյ, որ մանկութեան հասակում բացարձակապէս զուրկ էր մնացել խաղալիքներից, պատանեկութեան հասակումն էլ բախտ չունեցաւ լուսանկարուելու: Եւ տեղի ունեցաւ առասպելական մի բան 19-րդ լուսաւոր դարում: Դուրեանի կենսագիր Բարսեղ Էքէր-ձեանը բանաստեղծի մահից յետոյ հետն առնում է մի լուսանկարիչ եւ նկարել է տալիս Ազրիպա եղբորը, որ բաւական նման էր Հանգուցեալ Պետրոսին, սակայն նկարել է տալիս մի բանի աղբակներին եւ դրանց բոլորի լուսանկարները համեմատելով եւ սրբադրելով դուրս է բերում մեռած Դուրեանի հաւանական, մտաւար նկարը եւ ներկայացնում է Սկիւտարի Գրասիրաց ընկերութեանը: Հէնց այդ լուսանկարն էլ կցուած է նրա ընդարձակ կենսագրութեանը, որից եւ ընդօրինակուել են յետագայում բոլոր լոյս տեսած նկարները:

Շագանակագոյն խիտ մաղեր ունէր Դուրեանը, որ միշտ դէպի վեր էր սանտրում եւ մէջտեղից ճեղքում աղջկայ պէս. յոնքերը սեւ էին եւ գեղեցիկ, արծուաքիթ էր, կտր դէմքով, չրթունքները նուրբ կանացի գեղեցկութեամբ: Բնաւորութեամբ չափազանց զուարթ էր, կատակասէր, երգը միշտ չրթունքին: Աննման բարի էր, հեզ, շնորհալի. ասելով թիւներ, սիր, նախանձը, բամբասանքն անծանօթ էին նրան, ինչպէս եւ մեծամտութիւնը: Նա համեստ, խոնարհ, սիրող ու ներող հոգի ունէր: Սրամիտ էր, լաւ յիշողութեան տէր, խելացի եւ ընդունակ:

Նրա դպրոցական եւ կեանքի լաւագոյն ընկերն էր վաղամեռիկ Վարդան Լուսինեանը, որի մահը Դուրեանն երգեց մի գողտրիկ ոտանաւորով: Այդ տղան էլ անբախտ էր եւ զոհ գրեց զարձեալ տնակեր թոքախտին: Այդ երկու թշուառ հոգիները սիրում էին իրար մի աննշման, գաղափարական սիրով, որ բարոյակըրթական նշանակութիւն կարող է ունենալ մեր մատաղ սերնդի համար:

Դուրեանին ըստ ամենայնի բնորոշում է հետեւեալ փաստը: Երբ նա այստեղ ու այնտեղ է ընկնում եւ ամէն կերպ աշխատում է իրենց ընտանիքի վրայ «թեւ մը չըլլալ», մէկ օր էլ հայ թատրոնի յուշարարի առաջարկութեամբ գրում է «Արտաշէտ Ա.» թատերգութիւնը, որի

համար ստանում է 10-15 ոսկի վարձատրութիւն: Նա անմիջապէս այդ փողով գնում է հագուստ իր փոքր եղբայրների համար եւ հոգում է տնային այլ կարիքներ:

Բարի հոգի ունեցող Դուրեանը գիտէր անվերջ սիրել: Նա որոնող, յափշտակուող, պաշտող բնաւորութիւն ունէր: Սէրը դարձրել էր նա մի կուռք, աստուածութիւն, որին երկընդապում էր ամենայն ջերմեռանդութեամբ: Նրա սէրը տարփալից չէր, անկիրք էր, կարծես երկնային, որի համար նա տանջուեց ու ալքուեց, այլ եւ ողջակէզ դարձաւ...

Սիրած աղջիկը չատելով իրեն, դուցէ եւ փոխադարձաբար սիրելով, գիտակցեց նրա ահաւոր աղքատութիւնը, թոքախտաւոր լինելը եւ հասարակ ծագումը, մինչդեռ ինքը հաւանօրէն աղնուական դասակարգից էր, եւ մերժեց Դուրեանի սէրը, որի համար տառապեց եւ բանաստեղծ դարձաւ Սկիւտարի Սոխակը...

Տեղեկութիւնների համաձայն Դուրեան սիրել է տակաւին աշակերտական նստարանից եւ սիրել է իր դասընկերուհիներից մէկին, որի անունը Սաթենիկ է եղել: Այդ աղջիկը յետոյ ամուսնանում է մի ուրիշի հետ, որին հաւանօրէն չէր սիրում, բայց շուտով մեռնում է եւ խոր կսկիծ պատճառում Դուրեանին: Բանաստեղծը ծծելով յուսախարութեան եւ սեւ ճակատագրի մրուրը, հեծեծում է եւ հրաշակեթտում իր ներքին դառն ապրումները, որոնք գերազանցօրէն եւ անհատական են, եւ համամարդկային:

Դուրեանն «արտայայտում է սիրող եւ տանջուող մարդու յախտեման անբերգութիւնը, իսկ այդ անբերգութիւնը յատուկ է ո՛չ միայն հայ ժողովրդին, այլ եւ բոլոր ժողովուրդներին հաւասարապէս. ահաւասիկ Դուրեանի գոյութեան եւ բանաստեղծութեան տեւողութեան գլխաւոր հիմունքներից մէկը, եւ քերեւս ամենագլխաւորը»*):

Այժմ անցնենք նրա գրական գործունէութեանը:

* «Պետրոս Դուրեան»՝ Սիմէոն Յակոբեանի: